

Gindima...

Varikana sikana kana o Sunto Del gindisardas jekh, haj ande peski lashi voja kerdas peske e luma. Vi kerdyilas kasavi soski kerdyilas, jekh chi zhanav, e romen sostar kerdas.



Shajke anda kodi te cirden e manusheksi gilyi te khelen, haj te gilyaben. Vi kerdyile e rom kasave, soske si, haj vi gilyaben penge andej luma sar nashade kerdyile.

Nashen, gilaben haj kamen. Kade sar von khonyik chi zhanel.

Kon kadi chi patyal aven mande haj pushen man, chachipe phenav vaj nichi. Avilamtar anda amari shukar phuv, andaj Indija, haj kasave kerdyilam, soske chi kamlam te avas.

Eftashela bersh avilam anda amari Indija, haj reslam ande gazhikane thema. Aba na ame cirdas e gilya, amare gilya cirde von...

Grastenca avilam, vurdonenca, haj reslam kathe andej lole thema.

Ke o rom si buzhangle kamel te puterdyl o jilo, phenel paramichi, te traji anda varisoste, te na meren bokhatar sar e ciriklya pej kopacha andej bare shila.

So te phenav tumenge. Avile e chorre te kerem penge patyiv haj barvalipe. Haj so das o Del so na, kerdyle patyivale haj barvale.

Barvale-barvale, ke baro dyi si ande le. O Del das le kasaveske, ke kamen e Devlores penge.

Ke sar avlas haj zhanas pel kodol bulhe droma sa-sa e Devles mangenas, haj rudyinas.

Kade trajin mure phral, mure nyamura andej bari luma.

(Illusztráció: F. Tóth Zsuzsa)